



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### კავკასიური შურთხი

კავკასიური შურთხი (*Tetraogallus caucasicus*), ფრინველი ქათმისნაირთა რიგისა. მისი სხეულის სიგრძეა 50 სმ, მასა \_ 2 კგ. ფერად რუხია, აქვს წვრილი შავი და წითური ზოლები და კოპლები. გავრცელებულია კავკასიონის მთავარ ქედსა და მის განშტოებებზე ზ. დ. 1800\_4000 მ-ზე. მობინადრეა. კ. შ. ბუდეს იკეთებს მინაზე — ქვებში ან კლდეებშია. დებს 8\_10 მორუხო-მონაცრისფრო კვერცხს. კრუხობს 3 კვირას. იკვებება მცენარის თესლით, კვირტებით, ყლორტებით, კენკრით, ტუბერებით, აგრეთვე მწერებით. ზამთარში ხშირად იკვებება ჭიხვების საბალახოზე (ჭიხვი ფლოქვებით აფხვიერებს თოვლს და უადვილებს შურთხს საკვების მოპოვებას, შურთხი კი უფრო ფრთხილია და ჭიხვებს საფრთხეს ატყობინებს).

**რ. ჟორდანი**

---